

su za jeje mlode leta Serbowstwo w jeje narodnej wsy zabiwali a zahubjeli, husto pristajejo: „To njejo Bóža wóla!“

IV. Wosada: Wormlag-Załuž-Wótřow.

Farska cyrkej je w Wormlaze (Worml'ag, Wormulag, n. Wormlage); w Załužu (kepsuje Žaž, n. Salhausen) a Wótřowje (Dobristroh) stej filiali; zafarowane do Wormlagi su Barce (Bartzig). — Tež tuta wosada je wot spočatka našeho stolěca skoro dospólnje přeměna. Serbski rozumja hišće: we Wormlaze 1 stara žona, w Barcach 3 mužowje a 2 starej žonje, w Załužu hišće 6 starych ludži. Před 30 lětami rěčeše so hišće wjele serbski, a před 25 lětami bě we Wormlaze po swědčenju Kózlika hišće 10 serbskich swójbow. — Wot 450 dušow móže a rěči mjez sobu serbski we Wótřowje hišće wokoło 35 starych ludži, mjez nimi korěmař; jeho stara mać khodžeše pó stwje w serbskej drasće: w čornej žónskej kapje a čornym kožuše, runje kaž naša njeboćička wowka. — Z Budarjoweho wotkazanja so w tutej wosadze kóžde lěto hišće dary wudželeja.

Přistawk. Susodna nawječorna wosada Załgosć (Salgast) z Dolanami (Dolany, n. Dollenchen) a Drochnowom (Drochnow, n. Drochno) je hižo dawno cyle zněmčena. Před 40 lětami powědachu w Drochnowje stari ludžo hišće trochu serbski, džěci pak hižo zwjetša wjacy serbski njerozumjachu. Nětk bydli tam 5 Serbow, kotřiž su ze serbskich stron přičahli.

V. Rańska wosada.

Do Rańskeje wosady słušeju wsy: Rań (Gross-Räschen), Rańk (Klein-Räschen), Bukowka (Bückgen), Smogrow (Schmogro), Suchy Gózd (Dörrwalde), hdžež je filiala, a Woškow (Woschko) jako hóstna wjes. Šule su w Ranju a Suchym Gózdze.

Rańscy fararjo běchu: 1) Jurij Homigius 1620—44, woteńdže do Komorowa; 2) Fabricius, syn duchowneho Fabricia w Bukowcu (Böckwitz) p. Kupska (Mückenberg) 1645—49, bě sobu duchowny zastarař za Žarnow a Lěskej, † w Žarnowje; 3) David Wiederauf z Grabina (Finsterwalde) 1649—52, woteńdže do Klěšić; 4) Pětr Haendel z Komorowa, přińdže 1652 ze Žarnowa a † 1664, 37 lět stary; 5) Jurij Schmel z Komorowa, bě 1663 substitut, 1664 farař, woteńdže 1668 do Stareje Darbny; 6) Daniel Fabricius ze Žarnowa 1668—75, woteńdže do Klěšić; 7) Jan Baran (Baranius) ze Žarnowa 1675—1716, † 75 lět stary; 8) Jan Büttner, Baranowy přichodny syn a wot l. 1705 substitut, bě farař wot 1716—18, woteńdže do Žarnowa;